

۱۱ جمادی الاولی سنہ ۱۳۳۳

جمعہ اترتسی

۱۴ مارٹ سنہ ۱۳۳۰

DJÉRID I SOUFIE

Fonde en 1090

Organe Turc Fanislamlqne

Directeur Proprietaire

HASAN KIAZIM

No. 108, le 9 (22 Février 1915

Adresse. Avenue de la S. Porte

Rue Eb ussonoud

جريدة الصوفية

شمديك اون بش كونده برنشر اولئور

صاحب امتياز ومدير مسئول حسن كاظم
تاريخ تاسيسي ۱۳۲۷ سنه هجري

ملت اسلاميه — امت عثمانيه ايجون مفيد اولان آثاره
صحيفه لر من آيچقدر درج ايدليان اوراق اعاده ايدلر

استانبولده باب عالي جوارنده ابوالسعود جاده سنده
نجم استقبال مطبعه سنده اداره خانه من اصحاب
مراجعه هر ساعت آيچقدر

سنه لك اعتباريله ممالك شاهانه ايجون پشين
اوله رق ۴۰ التي المني ۲۵ غروش و ممالك
اجنيه ايجون ۱۲ فرانقدر .

تلفون نومروسي : ۱۰۹۷

نسخه سي ۴ پاره در

تصوفي ، ديني ، اخلاقي ادبي ، سياسي جريده اسلاميه در

نومرو ۱۰۶

برملت مزایای عالیله ایدر ایسه رفعت مکانه مظهریت
ایله برابر بوتون تشبثاتند خط کاملنی استیفا ایدر هیئت اجتماعیه سنی
تشکیل ایدن هر فردی استعدادینک مساعد اولدینی درجه ده تلقی
معالیله میل ایله اثار نافعه وجوده کثیر علت غایه اقداماتنک ثمرات
لطیفه سیله ابنای نوعنی مستفید قیلار بر فرد بیوک بر آلتک چویسی
کچی در بوالک هیئت مرکب سندن بریسی ساقط اولسه اکا تبعاً دیگر
لریده سقوط ایدر الت معطل قالیر .

انسان اشبو صفات فاضله نك حقایقه عطف نظر ایتسه نفسنی
میل معالیدن کیرو اله من عقل و عرفان قیود او هامدن آزاده اولان
حریت فکریه عفت و سخا و قناعت و قار و تواضع عظم همت بحجت
وساحت و مروت و حجت حب عدالت امانت و حسدن انسانک سلامتی
ایله برابر عفو و رفق شفقت کچی مزایای عالیله هانکی ملته موجود اولور
ایسه انک افرادی ارا سنده اتحاد و اتفاق تامدن بشقه برشی کورنمز
ایکی عاقل صاحب فضیلت ارا سنده شقاق و نفاق اولورمی بویله فضائل
بر کزیده ایله ممتاز اولان ملت هانکی ارضده بولنسه اوراسنی احیا
و انبات ایدر وحدت سیاسیله ایله یکوجود اولوب بشریتک قابلیت
اصلیه سنک تأمین ابتدیی ترقیات و تکاملات صحیحیه نائل اولور
فضیلت حیات امد در اجسامک علل و امراضدن محفوظ اولمی روحک
انبساطه مقارنتی ایله دوام ایدر اسلامیت بو فضائل و مزایای عالیله
تلقین ایدن احکام قدسیه بی جامعدر بی محبتا اقدمز « انما بعثت الاثم
مکارم الاخلاق » بیور مشدر بیکرله احادیث شریفه صحیحیه نك احتوا
ایتدیکی حقایق مناهج رشد و سدادی کو ستر مکده در .

رزائل کلنجه کیفیات خبیثه در نفوس بشریه به عارض اولور قلت
جاء کلامده حشمت و ادبک فقدانی و اغراضه تبیت سفه و تهور
و جبن و حسد و غدر و خیانت و نفاق و عجب کچی رزائلر انسانیتی
نقصه دار ایدر الفای عداوت ایله ابنای نوعنی ارا سنده فتنه و فسادنی
داعی اولور .

رزائل اخلاق بر ملته تمرکز ایدر ایسه بو انتشاری ایله هیئت
اجتماعیه نك هر عضو ده متأثر اوله رق عارض اوله حق ضعف و ناتوانی
بر قوه اجنبیه خارجیه نك تسلطه هدف اولور بو اولمز ایسه بیله اعمال
حیاتیه نك تصرفاتند بر اضطراب و ضجرت حس اولور . بینلرنده
اختلاف تحدیدیه رابطه ده قالمز اقویاس ضعیفیه تغلبه قیام ایدر استماع
نصیحت ایله طریق هدایت ابعالی کوچ اولور انلره حکمت سیاست تلقین
اوله من یهوده تفاخر انلری سر مست ایدر مصالح عادیله بیله مجاری
حقیقه توسل ایده من و عطف و نصیحت کار ایتمز قواعد ربطدن خروج
ایله شقاق جاری اولور هانکی مذهب و مربی اولور ایسه اولسون
فیض تأثیرنی کو ستره من .

انسان شو حقایقه عطف نظر امان ایدر ایسه البته اکتساب
فضائله بذل مجهود ایدر رزائلدن اجتناب ایلر جمعیات بشریه بی

تعرضدن وقایه ایدن اتحاد در فساد دکلدرنه ایچون هر فرد صفات رزایله دن
توقی ایله فضائل ایله تزیین ذاته صرف اقدام ایتسون هر مولود بر
فطرت اوزرینه تولد ایدر هر شکل ولونی قبوله مستعد در علی الخصوص
اباء و اجدادی صفات فاضله بی جامع بولنش ایسه فطرت زکیه سنی
سوء استعمال ایله الوده قلمیه رق قوای بدنیه سنی اعمال خیریه به صرف
ایله البته فضائل ایدرک تحلیله موفق اولور بر انسان واجبات دینی ایفا
ایدر و عقاید اسلامیه نك موجبات سعادتق ایله اعتقاد و عمل ایلر ایسه
نفسک تحکیمات احتیاط آوران سندن قور تیلوب فیض و رشادی
بولور .

آیات قرآنیله مودوع اولان غمر فضائل و کرائم شیمه عطف
نظر اولنسه انسان بشقه بر قانونه تمسک ایتمز علمای اسلامیه البته
بو جهتی تمیزه مقتدر اولد قلردن وظائف مفروضه نك اداسی توجه
ایدر « ولکن منکم امة » آیت جلیله سنک احتوا ایتدیکی حقایق
وظیفه نك اهمیت عظیمه سنی تعیین ایدر صاحب شریعت اقدمز
حضرتلرینک و خلفای راشدین حضرتانک احکام شریعت غرایه
توسلاً ساحه وجوده کتیر دکلمری موفقیات صحایف توار یخده مفصلاً
مذکور اولمسیله بو جهتلرک تنویر و تلقینی ینه علمای اسلامیه نك وظائف
اصلیه مهمه سندن در .

علمای راسخین حضراتی بیلور لرکه ازمان اخیرده مسلمانلره
اصابت ایدن احوال الم اشتغال شبهه سز بر امتحان الهی در بو وقایمک
موجباتی پیش نظره الهرق احکام الهیه نك تعیین ایتدیکی روابط اخوت
و الفتی بیان ایله کلمه واحده بی جمعه و توجهات عمومی اسلامیه بی توحیده
صرف مساعی ایله شهرام حقایقه ایصال ایتک و حکومت سنیله مزک
مشاهده سیله مباهی اولد یغمز مساعی عالیله حکیمان سنک فصل بر متین
سیاست تعمیقی ایله نجات و سعادت مزنی تأمین ایتکده اولد یغنی کو ستر مک
و تفرقه دن مجانبته بو تدابیر مهمه به قارشی امین و مطمئن بولنق
ایجاب ایدر . « و کان حقاً علینا نصر المؤمنین »

خالص

بدایع صوفیه

منظومه

هیجه صایمشک دنی دنیایی دستان چکمشک
رتبه جاهدن خلاصه هر شیدن چکمشک
کوهسار غربتی کندینه ماوا ایشک

بویونه طوق ایشک عشقنک زنجیری
سویله ارسلانم مدد قیل مولویلر دنیسک

دیده کریان سینه عربان بر عجایب خالده سک

حلی مشکل بر معما بشقه درلو قالد سک

ماحصل هیچ آکلا شلماز او یله بر آمالده سک

بویونه طوق ایلشک عشقنک زنجیری
 سویله ارسلانم مدد قیل مولولردنمیسک
 قالمش ملک جهانہ تفرتک بیلیم نهدن
 هانکی حالتدر سنی بو رتبه تبرید ایتدیرن
 اشتکا ایتمیسک بو حاله باعث کیمسه دن
 بویونه طوق ایلشک عشقنک زنجیری
 سویله ارسلانم مدد قیل مولولردنمیسک
 غل وغشدن قلبک اولش بر مجلا آینه
 قالمش بودونبودنن بو چرخک امنیه
 محض نور اولمشک اما بیلیم نیه
 بویونه طوق ایلشک عشقنک زنجیری
 سویله ارسلانم مدد قیل مولولردنمیسک
 ایتمورسک هیچ تکایو بویله استغنا نهدن
 یوقی یوقسه هیچ امیدک فرد واحد کیمسه دن
 کیم بو حاله باعث اولدی سویله اسبابی نهدن
 بویونه طوق ایلشک عشقنک زنجیری
 سویله ارسلانم مدد قیل مولولردنمیسک
 خادم طریقت جلیله مولویه
 عبدالحلیم چلبی

منظومه

طی مکانله حربه کیدنلر کولکوسی
 غیب عسکريله جنکه کیدنلر کولکلو
 حضری رفیق و رهبر ایدنلر کولکوسی
 ارلر قومانداسنده ارلر کولکوسی
 تاکه اکورندی موکب حیش ظفر شعار
 کیملر دیدم بو شیر فکن جند ذی وقار
 هاتف دیدی بو زمره مسعود و بختیار
 ارلر قومانداسنده ارلر کولکوسی
 شمسى علم اولنجه ضیا بخش التماع
 توفیق حقه ال اچهرق ایندیلر سماع
 بر مرزد نمره زن دیدی بو کتله شجاع
 ارلر قومانداسنده ارلر کولکوسی
 تنوره سیله چرخه زن پیش کازرار
 فخريله وایه دار مباحات بیشمار
 باق باق شو شانلی جانی کلن حیش نامدار
 ارلر قومانداسنده ارلر کولکوسی
 اولسون الهی خیر قدوميله جلوه کر
 عثمانی اردوگاهنه وعد ایتدیکک ظفر
 اولدی جنود غیک ايله ره و سفر
 ارلر قومانداسنده ارلر کولکوسی

ارلر ایچنده حضرت خنکار ایچنده در
 ارلر ایچنده عمده اخیار ایچنده در
 البته سیف صارم قهار ایچنده در
 ارلر قومانداسنده ارلر کولکوسی

سلانیک والی سابق

محمد ناظم

شهید

شهید — مزاحم وصلت دیداره کوکس کره ندر .
 شهید — مطلوبه واران یوللرک الک صعب المرورنندن کچندر .
 شهید — ایشار جان . فقط درج احسان جانان ایلاندر .
 شهید — طیلسانله دکل طی لسان، صح وجدان ايله منزل وحدته
 واراندر .
 شهید — هر دائم تجلی ایدن حقیقت مطلقه اوکنده دروتی فدا،
 آماللی هبا ایلاندر .
 شهید — موجودیت نفسی و مادبسی اوزرینه بر سریر سہامسیر
 محویت قوراندر .
 شهید — مجموعه حیاتک دست محبوب ايله یازلش صحیفه صفا
 آوری زهنيله دکل قانیله او قویاندر .
 شهید — منظومه ایمانک مجسم بر بندلعلکونی، بر مثال پر خونیدر .
 شهید — آتی ینمز لکن قانی طاهر بر وجود مطییدر .
 شهید — مرات مشهود حقه دم عزمیلہ یورویوب باقاندر .
 قلعه سلطانیله

علی طیار

فتوحات اسلامیہ

فتح مصر

مصر قطعه سی ظهور دین اسلامده قیصر روم هرراقیلوسک زیر
 حکمنده ومقوفس دیمکه معروف جریح بن میناهی نامنده بر والینک
 یداداره سندہ ایدی . دهاته اصحابدن عمر وبن العاص رضی الله عنه
 مقدما مصره کلوب کوردیکندن امیر المؤمنین عمر بن الخطاب رضی الله
 عنہ تشویق ایتمسہ بناء قدس شریفک عقیب فتحنده درت بیک
 مجاهد ترفیقيله فتحنه مأمور ایدلدی .
 او صرہده مصرک قبطی دنیلان یرلی اہالیسی ايله مصر وشام
 یعقوبیلری آراستنده مسائل مذہبیه دن طولای عظیم اختلاف اولسندن
 وروم حکومتک مظلاندن طولای قبطی ویهودیلر حکومت مزبورہ دن
 یزار اولدقلرندن مسلمانلرک سوریه دهکی فتوحاتنده نمایان اولان
 اجرا آت عادلانه لرینه وخصوصیلہ سربستی ادیانہ رعایتلرینه غبطه
 ایدر وکندولرینک بویولده نعمت حریتہ مظهریتلرینی تمی ایلار
 ایدیلر . بناء علی ذلک عمرو بن العاصک یولده تصادف ایتدیکی قبائل